

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԳԵՄԻԱՅԻ
ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Ապրիլի 9—10-ին Հայկական ՍՍՀ գիտությունների ակադեմիայի նիստերի զահիճում տեղի ունեցավ ակադեմիայի տարեկան ընդհանուր ժողովը:

«ՍՄԿԻ XXVI Համալուծարը և գիտության զարդացման խնդիրները Հայաստանում» ղեկուցումով Հանդես եկավ Հայկական ՍՍՀ գիտությունների ակադեմիայի պրեզիդենտ, ակադեմիկոս Վ. Համբարձումյանը:

ՍՄԿԻ XXVI Համալուծարը, ասաց նա, իր քննարկած Հարցերով և առաջադրած խնդիրների խորությամբ առաջին իսկ օրից իր վրա բեռնեց սովետական բոլոր մարդկանց, խնչպես նաև համաշխարհային բովանդակ հասարակայնության ուղադրությունը: Համազումարին տրված Կենտկոմի հաղվետու ղեկուցման մեջ, որով հանդես եկավ ՍՄԿԻ Կենտկոմի գլխավոր քարտուղար ընկեր ի. Ի. Բրեմսեր, իրենց վառ դրսևորումն են գտել անցյալ համազումարից հետո կուսակցության բաղմակողմանի գործունեությունը և մեր հասարակության հետագա զարդացման ուղենիշները:

ՍՄԿԻ XXVI և ՀԿԻ XXVII Համազումարներում, որպես մեր հետագա զարդացման առաջնակարգ գործոն նշվեց գիտության աճող դերը, նրա նշանակությունն արդի սլայմաններում ինչպես հասարակական զարդացման, այնպես էլ նրա գոյության նյութական միջավայրի բնության պահպանման գործում:

Պրեզիդենտն ընդգծեց, որ Հայաստանում գիտությունը զարդացնելու համար անհրաժեշտ է ֆունդամենտալ հետազոտությունների պոտենցիալի ըստ ամենանյի բարձրացում, հետազոտությունների արդյունքների աղավել արդյունավետ օգտագործում արտադրության մեջ, անհրաժեշտ է ունենալ սեփական գիտական դեմք: Անցած տասնամյակներին հանրապետության գիտությունների ակադեմիայի ինստիտուտների մեծ մասը մշակել է իր որոշակի պրոֆիլը:

Անդրադառնալով գիտության արդի խնդիրներին, Վ. Համբարձումյանը նշեց ակադեմիական և ոչ ակադեմիական ինստիտուտների համա-

դործակցության ուժեղացման, նրանց աշխատանքների կոորդինացման, գիտության տարբեր ճյուղերի արդյունավետ փոխազդեցության կարևորությունը:

Ջեկուցողը հանգամանորեն կանգ առավ նաև հանրապետությունում գիտական նոր ուղղությունների զարդացման խնդիրների վրա, նշեց, որ անհրաժեշտ է զարկ տալ հասարակագիտության այնպիսի ճյուղին, ինչպիսին է հոգեբանությունը: Հետագա զարդացման կարիք ունի իրավաբանական գիտությունը, որի դերը մեծ է օրենսդրության գիտական մշակման ու հիմնավորման գործում: Լուրջ ուղադրություն պետք է նվիրել նաև բնական գիտությունների նորագույն այնպիսի ուղղություններին, ինչպիսիք են կենսաֆիզիկան, կիրառական ֆիզիկան:

Հայկական ՍՍՀ գիտությունների ակադեմիայի 1980 թ. և 10-րդ հնգամյակի տարիների գիտական ու գիտակաղմակերպչական գործունեության հիմնական արդյունքների մասին ղեկուցեց Հայկական ՍՍՀ գիտությունների ակադեմիայի ակադեմիկոս քարտուղար, ակադեմիայի թղթակից անդամ Գ. Գալույանը: Նշելով մասնամատիկոսների, ֆիզիկոսների, մեխանիկների, բիմիկոսների, երկրաբանների, գիտության մի շարք այլ բնագավառների աշխատողների հաջողությունները, նա ընդգծեց, որ գիտահետազոտական ինստիտուտների կոլեկտիվների ջանքերը ուղղված են եղել հիմնարար գիտությունների նոր ուղղությունների հետագա զարդացմանը, հետազոտությունների որակի և արդյունավետության բարձրացմանը, ժողովրդատնտեսական առաջնահերթ նշանակություն ունեցող գիտական պրոբլեմների մշակման մասին ՍՄԿԻ XXVI և ՀԿԻ XXVII համազումարների որոշումների կատարմանը:

Այնուհետև ղեկուցողը նշեց, որ անցած հնգամյակում զգալի աշխատանքներ են կատարվել հասարակական գիտությունների գծով: Լույս են տեսել «Հայ ժողովրդի պատմություն» բաղմահատորյակի վեց հատորները, կաղմվել է մինչև 1990 թ. Հայկական ՍՍՀ սոցիալ-տնտե-

սական զարգացման կարևորագույն ուղղությունների մասին զեկուցագիրը, ավարտվել է «Ժամանակակից հայոց լեզվի բացատրական բառարանի» տպագրությունը, ստեղծվել են հնագիտության և ազգագրության, արևելագիտության, գրականության և արվեստի, փիլիսոփայության և իրավունքի վերաբերյալ բազմաթիվ աշխատություններ: 1976—1980 թթ. ակադեմիայի հրատարակությունը ընթերցողներին է հանձնել 543 անուն գիրք, լույս է տեսել ավելի քան վեց հազար գիտական հոդված:

Է՛լ ավելի են ընդլայնվել գիտությունների ակադեմիայի միջազգային կապերը: Նրա ինստիտուտները արտասահմանյան գիտական հիմնարկների հետ հետազոտություններ են կատարել 49 պրոբլեմների ուղղությամբ, գիտական կապեր են պահպանում 48 երկրների գիտնականների հետ:

Այնուհետև տեղի ունեցավ զեկուցումների քննարկում, որին մասնակցեցին Երկրի մասին գիտությունների բաժանմունքի ակադեմիկոս քարտուղար Հ. Մադաթյանը, Երևանի ֆիզիկայի ինստիտուտի դիրեկտոր Ա. Ամատունին, Սևանի ջրակենսաբանական կայանի դիրեկտոր Ռ. Հովհաննիսյանը, ակադեմիայի փիլիսոփայության և բանասիրության բաժանմունքի ակադեմիկոս քարտուղար Գ. Բրուտյանը, Հայկական ՍՍՀ գիտությունների ակադեմիայի ակադեմիկոս Մ. Մանվելյանը:

«Գիտության նվաճումները և Հայկական ՍՍՀ քարի պաշարների օգտագործումը» թեմայով զեկուցեց հանրապետության գիտությունների ակադեմիայի թղթակից անդամ Մ. Սիմոնովը:

Հանդես գալով ժողովում, Հայկական ՍՍՀ Մինիստրների խորհրդի նախագահ, հանրապետության գիտությունների ակադեմիայի ակադեմիկոս Ֆ. Սարգսյանը նշեց, որ ՍՄԿԿ XXVI համագումարի պահանջներին ելնելով, պետք է

է՛լ ավելի մեծ տեղ տալ ժողովրդական տնտեսության համար կատարվող մշակումների արտադրական ներդրմանը: Այս գործում հանրապետության գիտությունների ակադեմիան պետք է իր որոշակի դերը խաղա:

Ընկ. Ֆ. Սարգսյանը ակադեմիայի գիտնականների ուղղությունը հրավիրեց Ղափանում և Քաջարանում հանքարդյունաբերության մեացուկների, Արարատի շրջանի ցեմենտի բարձրորակ հումքի ուսումնասիրման և օգտագործման հարցերի վրա: Դա հնարավորություն կտա ոչ միայն զգալիորեն ավելացնելու այդ շինանյութի արտադրությունը, այլև կնպաստի բնության պահպանությանը:

Ընդհանուր ժողովում տեղի ունեցավ Հայկական ՍՍՀ գիտությունների ակադեմիայի պարգևների հանձնում: Արդյունավետ գիտական գործունեության համար Մեծարման գիր հանձնվեց Հայկական ՍՍՀ գիտությունների ակադեմիայի թղթակից անդամ Մ. Սիմոնովին: Գիտության զարգացման գործում ներդրած խոշոր ավանդի համար Վաստակագիր ստացան Հայկական ՍՍՀ ԳԱ ակադեմիկոս Գ. Զահեկյանը, ակադեմիայի թղթակից անդամներ Է. Զրբաշյանը, Ա. Աբրահամյանը, Ինչպես նաև տեխնիկական գիտությունների թեկնածու Ռ. Սարգսյանը, երկրաբանա-հանքաբանական գիտությունների թեկնածու Կ. Շիրինյանը: 1980 թվականին գիտահետազոտական հաջող գործունեության համար գիտաշխատողների մի մեծ խմբի տրվեցին Գովեստագրեր:

Ժողովը լսեց կազմակերպական հարցեր: Հայկական ՍՍՀ գիտությունների ակադեմիայի վիցեպրեզիդենտ ընտրվեց հանրապետության գիտությունների ակադեմիայի ակադեմիկոս, սոցիալիստական աշխատանքի հերոս Ա. Իոսիֆյանը:

Ա. ԱԼԵԿՍԱՆԴՐ